

quædam habet magnifica, interque ea quinque heroibus dicata fana: ad hanc etiam urbem ex Poyang lacu navibus patet iter, ex quo non exigua commoda proveniunt, regit urbs civitates sex, 1 Vucheu, 2 Çunggin, 3 Kinki, 4 Yhoang, 5 Logan, 6 Tung-hiang.

Montes.

Ad orientalem urbis partem mons est, dictus Yangkiu, in quo mirabilem statuam, quæ hominem repræsentat, esse memorant, eam ajunt pro varia aëris futuri temperie varios induere colores, ex quibus accollæ cœli serenitatem, aut pluvias imminentes facile soleant colligere.

Statua mirabilis.

Kinki ingentem montem Junglin vicinum habet, in quo sex supra triginta numerantur vertices: hic usque ad terminos Quangsin & Kienchang excurrit.

Flumina.

Lienfan amnis, qui ad urbis Barrolybicum fluit, hic memoratu dignus est, illius enim aquas maxime expetunt Sinæ pro clepsydris seu horologiis ex aqua conficiendis, præ reliqua enim hæc minus aëris varietati, mutationibusque censetur obnoxia.

Est & Mingyo fons amœnus prope Kinki, & in urbis gymnasio lacus He, hoc est niger, ita à colore aquæ nigerrimo dictus.

Octava Urbs

L I N K I A N G.

Situs ac amœnitas.

Ita est Linkiang urbs recta ad occasum antecedentis in Can fluminis Boreali ripa, cujus aqua etiam intra urbem introducta non parva præbet civibus commoda: hujus urbis tractus non minus quam prioris amœnus esse, ac ferax à Sinis perscribitur; navium etiam magnam frequentiam habet hæc civitas, quæcunque enim Can fluvium enavigant, istac transire solent. quatuor sub se numerat civitates: 1 Linkiang, 2 Sinkin, 3 Sinyu, 4 Hiakiang. Regum temporibus modo Çu, modo U regibus paruit, sub Cina familia ad Kieukiang pertinuit, sub Hana ad Juchang, hodiernum nomen jam inde à Sunga familia retinuit: tria nobilissima heroibus dicata fana numerat.

Montes.

Ad urbis Borealem partem mons est Comao, qui est in Taosu libris ordine trigessimus tertius, multa in eo rara notarunt Sinæ, ex quibus felicissima quæque sibi obventura somniarunt, quæ illic loci adscribere supervacaneum duxi. Josu mons prope Sinkin est ex nominatis ordine decimus septimus. Mung mons prope Sinyu altissimus est, ad-

eo ut nubes ipsas videatur transcendere, totus tamen sylvis ac campis amœnus.

Prope Sinyu fluit Yü, sive Yven amnis, *Flumina.* cujus origo prope Juencheu urbem erumpit: ibidem lacus est Funghoang non admodum magnus, at illud in eo rarum est, quod nec pluvia crescat umquam, nec siccitate decreseat.

Kiafung insula prope moenia urbis est in Can fluvio; alia Pehoa dicta, intra urbem in ipso lacu est.

Nona Urbs

K I E G A N.

Ad occidentam ripam Can fluminis jacet urbs Kiegan, ubi Xepatan infames scopuli initium habent: ab hac enim urbe hujus fluminis descensus periculis plenus est, & multarum navium sæpius *Scopuli periculosi.* facto naufragio omnino formidandus, ob latentes hinc inde syrtes atque acutissimos scopulos, per quos rapido ac velocissimo cursu flumen devolvitur: decem & octo recensentur loca, in quibus majus subesse creditur periculum, inde Xepatan nomen ortum, quod decem & octo præcipitia seu catadupas sonat; has non sine metu enavigavi ipsemet, salvus Dei beneficio & incolumis, quamvis non paucas alias naviculas, quæ misere ad saxa ac scopulos allisæ fuerant, haberem obvias in itinere; solent autem ferè pleræque naves peritum ex hac urbe accipere gubernatorem, à quo per hæc loca adeo periculosa deducantur, maximum autem omnino periculum est in loco, quem Hoangcung vocant.

Urbis hujus Regio hinc inde montibus & collibus inæqualis est, sed auro argentoque ii plerumque prægnantes sunt: valles *Situs.* ac campi feraces sunt & amœni, in quibus fere nusquam aquarum penuria, aut à nimia siccitate periculum. habet sub se hæc urbs civitates novem, nimirum 1 Kiegan, 2 Taiho, 3 Kiefvi, 4 Jungfung, 5 Ganfo, 6 Lungciven, 7 Vangan, 8 Jungsin, 9 Jungning. Priscis temporibus prioris locum ac sortem hæc etiam urbs tenuit. Kiecheu nomen primum Suius Rex, & Tanga dedit familia; at Taiminga in Kiegan mutavit, nomine à montium felicitate desumpto, Kie enim felicitatem sonat.

Mons maximus prope Ganfo est, *Montes.* Uncung dicitur, qui octingenta terrarum stadia occupat.

Est